



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Musa Virgo. 2. Aprilis.

urn:nbn:de:hbz:466:1-41940

2. April. VITÆ SANCTORUM. 215
ro aquis jubet margi. Sed mitiores domi-
no famuli, cùm in silvas utrumque expo-
suissent, domi se imperata peregrisse ad-
simularunt. Nec defuit etiam inter silvas
afflictis miserorum M A T E R, sed cer-
vam misit, quæ statâ horâ quotidie in-
fanti ubera præberet. Annus agebatur
orbis restaurati D C C L. exilii G E N O F E-
F & V. cùm Sifridus, dum feras quærit
in homines offendit, in iis conjugem &
natum, in utroque crimen suum agnoscit,
VIRGINI verò SOSPITATRÍ-
CI id loci templum struit: ut si ejus be-
neficia urbes taceant, vel silvæ loquantur.

Ex Molano.

*In quacunque hominum verseris frequen-
tiâ, cave alienæ conversationis esse aut cu-
riosus explorator, aut temerarius judex:
Et si a clu[m] quid deprehendes, nec sic judi-
ces proximum, mugis autem excusa. Bern.
de duod. grad. Hum.*

S. MUSA VIRGO. 2. Aprilis.

Erat Musa virgo Romana, rārum,
at breve teneræ ætatis miraculum,
cujus lecto nomine, cave citharam cho-
tōsve cogites, nullæ occurrant Pieri-
des; vitæ severitatem, verborum mo-
derationem, animi recessum disce.
Quiescenti olim Deipara, denso virgi-
num sacrarum agmine cincta, sē obtulit;
omnibus in vultu nitor solis, in veste

O 4

candor

216 VITÆ SANCTORUM. 2. April.
candor nivis. Et Regina quidem eam af-
fata: Comites, inquit, meas dote virginitatis
filii mei connubium promeritas vi-
des? augebis tu numerum, si moribus ma-
tronam potius quam puellam præstite-
ris, & infantiae senilem miscueris tem-
perationem. Nihil, quo pares leviter
exultant, amabis. Religioni risum, jo-
cum sceleri duces. Ad honesta oculis, ad
interrogata verbis. Ad necessaria ma-
num, ad iussa gradum movebis. Sic ef-
ficiam ut trigesimo die voti compos fias.
Sub hæc ita mutata est *Musa*, ut sollicito
parentum oculo non indigeret, ex quâ tot
gravitatis peti argumenta poterant. Ita-
que interrogare subiit novi moris cau-
sam: quam filia nocturni visi commemo-
ratione attonitis indicavit. Quinto inde
ac viceximo die febri corripitur: trigesimo
Deiparâ *Musam* evocante, illa gestiens
iterat, *Ecce Domina venio*, & cum voce
hinc abiit; vobis quoque, qui *Musas*
colitis, Ducem præbitura se, monitura-
que cælum ambientibus morum levita-
tem oneri esse. *Ex l. 4. Dial. S. Greg.*

*Ut Deum contempleris factus es; non ut
humi errepat vita tua; non ut pecudum ri-
tu voluptate perfruaris: verius ut ad nor-
mam & institutum cœlestis vitæ tuam
ipsius componas. S. Basil. hom. II. in
Hexem.*

S. RI-